

XEERKA N. 182 rep.

MAAMULKA WALAAYADA TALYAANIGA EE SOOMALIA

XOGHAYAHA GUUD

MARKUU ARKAY sharciga lambar 4 soona baxay nobembar 1951, n. 1031, kaas oo ansaxinaya heshiiska ilaalinta dhulka Soomaaliya ee hoos yimaada Maamulka Walaayada Talyaaniga oo siiyanaya awood fulineed oo buuxda;

WAXA LA TIXGELIYEY baahida loo qabo in la asaaso Dugsi loogu tala galay tababarka shaqaale kalkaalinta caafimaad oo degaanka ah oo farsama ahaan diyaarsan;

IYADA OO LA TIXGELIYO baahida loo qabo in dib u habeyn iyo nadaamin lagu sameeyo dowrooyinka hadda jira, iyo guud ahaan qaab dhismeedka waxbarasha xirfaddeedka ee shaqaalaha kaabayaasha caafimaadka;

MARKI UU DEGEYSTAY soo jeedinta Golaha caafimaadka ;

MARKI UU ARKAY qodobka 2 ee nadaam n. 47 ee 1950 kaas oo siinayo Xoghayaha Guud qabashada shaqooyinka loo igmaday Maareeyaha marka uu maqanyahay;

WUXUU XEERAYNAYAA

Qod. 1.

Dusiyada tababbarka ee shaqaalaha caafimaadka kaabayaasha ah, oo loogu magac daray "Dugsiga kalkaalinta caafimadka", ayaa laga sameeyay Isbitaalka Martiini ee magaalada Muqdisho iyo xafiisyada caafimaadka ee gobolka.

Qod. 2.

Qeybta "Nadaaminta Dugsiyada kalkaaliyeyaasha" ayaa la ogolaaday, kaas oo habeyn doona shaqada Dusiyada laftooda.

Qod. 3.

Kharashaadka la xirira wixa la saarayaa cutubka 63 ee sannad maaliyadeedka 1952-1953 iyo cutubyada u dhigama ee sannadaha xiga.

Muqdisho, 29 nofembar 1952.

**XOGHAYAHA GUUD
Canino**

Arkay diiwaangelinta n. 910 ee R. D.

4 diseembar 1952.

MAAMULKA WALAAYADA TALYAANIGA EE SOOMALIA

NADAAMINTA “DUGSIYADA KALKAALEYAASHA”

Qod. 1.

Dugsiyada kalkaalinta caafimadku waxa ay ku yaalliiin isbitaalka Martiini ee magaalada Muqdisho, iyo isbitaalada ku yaalla Gobolada ee xarumaha Maamulka. Agaasimayaasha isbitaalada ayaa si shaqsi ah uga mas'uul ah.

Qod. 2.

Dugsiyada kalkaalinta cafimaadka waa snnadle dowrad kasta waxa ay billaban horaanta bisha jannaayo waxa ayna dhmmaan horaanta bisha oktoobar.

Waxa loo ogolaan karaa Dugsiga kalkaalinta caafimaadka:

- ardayda kalkaaliyayaasha wiilal iyo gabdho oo leh ugu yaraan 6 bilood oo shaqa dhab ah, iyo warbixin wanaagsan dhaqtarki ay la shaqeeyeen.
- Shaqaalahaa Nadaafadda Cafimaadka ee rag iyo dumar (marka laga reebo shaqaalahaa aan joogtada ahayn) oo leh ugu yaraan laba sano oo shaqo dhab ah, iyo warbixin wanaagsan ee dhaqtarki ay la shaqeeyeen.
- Dadka degaanka ah oo keensada dibloomada ummulisada.
- Dadka degaank ee ka tirsan ciidamada, oo kala yimaada ogolaasho maamulka ay la shaqeeyaan.

Marwalba haddii ay buuxshaan shuruudaha soo socda:

- a) — da'da in aysan ka yareyn 18 sano jir, kana badneyn 30;
- b) — shardi ku habboonaan jireed, shahaaddo ka soo baxda taqtaka;
- c) — anshax iyo akhlaaq wanaagsan.

Kuwa raba in loo ogolaado in ay galaan dugsiyada kalkaalinta caafimaadka, waa in mar walba ay ku gudbaan imtixaan guud ee dhaqanka, ku habboonaan, iyo u diyaarsanaan guud eee xagga caafimaadka. Guddiga imtixaanka, qiimeyntoodu waa laguma noqdaan iyo kama dambeys, waxana ay ka kooban yihiin Kormeraha caafimaadka — Guddomiye — iyo laba kale oo ay suurto gal tahay in ay dhaqaatiir yihiin.

Qod. 3.

Ardayda Dugsiga kalkaalinta Cafimaadka waxa ay qaban doonaan shaqo isbitalada Meesha ay dugsiyadu ku yaaliin, iyada oo aan la siineynin wax mushaar khaas ah, marka laga reebo umulisooyinka dibloomada heysta aanna ku tiirsaneyn Maamulka Walaayada Talyaaniga ee Soomaliya (MTMS); xaaladda nuucaas ah kaliya ayaa la siinaya Sh. So. 2,50 maalin kasta oo shaqo rasmi ah, ilaa tartan ugu badnaan shan arday ah oo mushahari ah laga qaadanayo, dhulka oo dhan.

Qod. 4.

Casharrada (min 10 ilaa 12 usbuucii) waxa ay lahaanayaan dabiicad akhris iyo layli ah waqxana ay noqonayaa kuwa kooba layliyo soo noqnoqda. Barnaamijka waxbaridda.. waxa uu noqonayaa mid uu u sameeyo dhammaan Dugsiyada Kormeeraha Caafimaadka asaga ayaana ogolaada saacadaha waxbarista.

Dhammaadka dowrad kasta ardaydu waa in ay galaan imtixaan uu qaadayo Guddi ka kooban Kormeeraha Caafimaadka — Guddoomiye — Maamulaha Dowrada iyo xubin seddaxaad oo ay suurta gal tahay in uu dhaqtar yahay.

Qiimeynta guddiga imtixaanku waa laguma noqdaan iyo kama dambeys iyo arday ku gudubta imtixaanka kama dambeysta ah shahaadada kalkaalinta caafimaadka ayaa la siin doonaa.

Ardayda la celiyey waxa ay awoodaan — iyada oo la eegayo go'aanka guddiga imtixaanka — in loo ogolaado in ay dowradda ku soo celiyaan.

Qod. 5.

Meelaynta waxbarida waxaa maamula Maareeyaha, kadib soojeedinta Kormeeraha Caafimaadka. Macallimiinta waxaa looga baahan yahay inay warbixin kooban buuxiyaan, bilwalba, si loogu gudbiyo maamulka dowrooyinka, arday kasta si gaarka ah.

Macallimiintu waxay xaq u leeyihiin khidmad sannadle ah, sida hoos ku xusan:

- a) — dugsiga uu hal macalim kaliya joogowaxa la siin Sh. So. 2,000
- b) — dugsiga leh laba macalin waxa la siin. >> 1,500 midkiiba
- c) — dugsiga leh in kabadan labo macalin waxa la siin. Sh. >> 1,000 midkiiba.

Khidmada ayaa la kala qaybin karaa, marka la kala beddelo macallimiinta, inta lagu gudajiro dowrada.

Xubnaha Guddiga Imtixaanaadka, iyadoo la raacayo qodobka. 4aad waxaa lagu bixiyaa khidmad Sh. So. 5 arday kasta oo la imtixaanay.

Qod. 6.

Xafiiska Caafimaadku waxa uu xor u yahay in uu hakiyo dowrooyinka, ardayda oo aad u yar awgeed, ama macallimiin ku habboon la waayo, ama sababo kale oo farsamo, oo aan gaarsiineyn natijjooyin lagu qanco.

Qod. 7.

Tirade ugu badan ee ardayda ee loo ogolaanayo dugsi kasta waxa meel saarayo sannad walba Madaxa Xafiiska Caafuimaadka.

Qod. 8.

Kormeerridda farsamada iyo edbinta Dugsiyada waa masuuliyadda Kormeeraha Caafimaadka.

Muqdisho, 16 nofembar 1952.

**XOGHAYAGA GUUD
Canino**